



Peter Olsen  
Inatsisartunut ilaasortaq, Inuit Ataqatigiit

**Kalaallit Nunaata Isiginnaartitsisarfianut tunngatillugu § 37 naapertorlugu apeqqutip nr. 331-ip akineqarnera**

15-01-2019  
Suliap nr.: 2018 - 27119  
Allakkat nr.: 9704823

Postboks 1029  
3900 Nuuk  
Oqarsasuaat: +299 34 50 00  
Email: ikiin@nanoq.gl  
www.nanoq.gl

Asasara Peter Olsen,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

**Apeqqut 1:** Nunatta isiginnaartitsisarfiata isiginnaagassiaasa nunatta sinnerata annerpaartaanut anngunneqarsinnaanissaat anguniarlugu Naalakkersuisut qanoq pilersaaruteqarpat? Qanoq iliuseqarniarpat?

**Akissut:** Isiginnaartitsisarfeqarneq pillugu Inatsisartut inatsisaanni nr. 23, 18. november 2010-meersumi § 3 malillugu Nunatta Isiginnaartitsisarfia pisortat suliffeqarfiutigaat nammineertoq. Nunatta Isiginnaartitsisarfia siulersuisunit aqutaavoq, taakkuuppullu isiginnaartitsisarfiup qullersarisai. Isiginnaartitsisarfiup pisortaata inassuteqareerneratigut aningaasanut inatsimmi Inatsisartut killiliussaannut aalajangersakkat iluanni ukiumut isiginnaartitsissutissanut pilersaarut missingersuutillu pillugit siulersuisut aalajangiisarput.

Ulluinnarni aqutsineq isiginnaartitsisarfiup pisortaanit isumagineqarpoq, taannalu siulersuisunit atorfeqartitaavoq.

Taamaalillutillu Nunatta Isiginnaartitsisarfianni aqutsisut isiginnaartitsisarfiup pisussaaffinnut inatsisitigut aalajangersakkanut naammassinnittarnissanut qulakkeerinnittussaapput.

Nunatta Isiginnaartitsisarfiata siunissami sammisassai pillugit paasissutissanik Naalakkersuisoqarfik piniarsimavoq:

*Sammisassanut pilersaarutaasunut naatsumik takussutissaq uani atuarneqarsinnaavoq.*

### **Nammineq suliat, isiginnaartitsisarfik:**

- **Ronja Røverdatter**, Astrid Lindgrenip atuakkiaa malillugu isiginnaagassiaq. Ilaqutariinnut isiginnaagassiaq, Nuuk Kalaallit Nunaannilu angalaneq annikinnerusoq. Januar – marts. Suliami uani isiginnaartitsisartunngorniat ilinniarfiat Islandillu Isiginnaartitsisarfia suleqatigaavut.
- **HOMO sapienne**, Niviaq Korneliussenip takisuuliaanik isiginnaagassiorneq. Inuusuttunut inersimasunullu inuusuttunut isiginnaagassiaq, Nuuk aamma Kalaallit Nunaani sivisunerusumik angalaneq, marts – maj
- **Akunnerit** – suli uppersarneqanngilaq. Laarseeraq Svendsenip nipilersugai malillugit isiginnaartitsissutip nipilersornertallip isiginnaartitsissutigeeqqinnissaa sulissutigaarput, taamaalilluni Kujataani takusassiarineqassamat, immaqalu Kalaallit Nunaat Tivolimi ilanngullugu immaqalu KNR TV-mut ilanngutassiaralugu. Julimi/Augustimi inersimasunut isiginnaagassiaq.
- **Nivarsiaraneq** (suliap aterigallagaa). Inuusuttunut isiginnaagassiaq nutaaq inini atuartitsiviusuni piffissamilu sivisunerusumi juni – augustimi nuna tamakkerlugu angalalluni isiginnaartitsissutissatut, meeqqat atuariiini, ilinniarnertuunngorniarfinni, højskoleni assigisaanilu atuartunut ukioqqortunerusunut siunnerfilimmik pilersitaq, augustimi atuarnep aallartinneranut atatillugu Kalaallit Nunaanni angalaneq. Isiginnaartitsissutip piffissami sivisunerusumi isiginnaartitsissutigineqartarnissaa ukiunilu tulliuttuni angalasoqartarnissaa pilersaarutaavoq.
- **Trails and Tales of Nuuk** - suli uppersarneqanngilaq. Tassaavoq oqaluttuarisaaneq tunngavigalugu illoqarfimmi pisunneq Nuutoqqami isiginnaartitsinertalik, matumani isiginnaartitsisut pingasut nassuiaassioralugit inuttaralugillu. Isiginnaagassiaq meeqqat atuariiini, ilinniarnertuunngorniarfinni, ilisimatusarfinni allanilu atuartunut ukioqqortunerusunut kiisalu takornarianut isiginnaagassiaavoq. 2018-imi aaqqissuussinermi Nuummi katersugaasivik Tupilak Travelilu suleqatigaavut, taakkualu 2019-imi aaqqissuusseqqittoqarnissaa kissaatigisimavaat. Juulimi septembarimilu.
- **Juulimi takutitsineq**, suli aalajangiunneqanngilaq.

### **Isiginnaartitsisunngorniarfik:**

- 2019-imi aasap tungaanut atuartitsinissaa pilersaarutaavoq aamma maannakkorpiq ilinniakkap annertusinissaanut, tassa ukiuni pingasuni bacheloritut ilinniarnertuunngornissaanut tunngatillugu inassutip suliarinera naammassingajalerparput. Inuit naggueqatitta akornanneersunik marlunnik paarlaaqateqarsinnaanerput aamma anguniagaavoq. Isiginnaartitsisarfik ilaatigut attaveqaataasartunut assigiinngitsunut, soorlu NORDPLUS-imi programmimi NORTEAS-imi attaveqaatinut.

### **Sammissat allat:**

- Oktobarimi Nuuk Nordisk Kulturfestivalimut atatillugu isiginnaartitsisarfik festivalip ingerlanerani isiginnaartitsinissamut pilersaarusoqataassaaq aamma suli uppersarneqanngitsunik

**piareersagassanik peqarpoq.** 'Angerlarsimaffik' sammineqassaaq aamma nunanit allanit issittumiittunik peqataatitaqarluta oqaluttuarnermik festivalertitsinermik 'angerlarsimaffik'-mut tunngasunik oqaluttuanik avitseqateqarluta nammineq tapersiissuteqarnissarput anguniarparput. Festivalimut aallarnisaatitut oqaluttuartaartunut, isiginnaartitsisartunut allanullu ilisimasalimmit pikkorissartitsinissaq kiisalu qalasersuarmi oqaluttuat itsarnitsat oqaluasaarutillu immitsinnut ingerlateqqittakkatta ilaannik itisiliinissaq anguniagaavoq.

- **A-I-U**, meeqqanut 4-7-inik ukiulinnut isiginnaartitsisarfik. Norgemi 2-7 septemberimi meeqqanut isiginnaartitsisarfinnut nunani tamalaani festivalertitsisoqarnerani isiginnaagassiaq takutinneqarsinnaavoq. Aaqqissuuteqqinneranut atatillugu isiginnaagassiap TV-kkut takusassiarisassanngorlugu immiunneqarnissaa anguniarparput.
- **Januaarip 19-iat**, unnuk kulturisiorfik. Isiginnaartitsisarfik isiginnaartitsisunngorniarfillu iniutitsinni arlalinnik sammisassaqtitsillutik matu iserusuttunut tamanut ammatippaat.
- **Nammineq kajuminnikkut isiginnaartitsisarfiit isumasioqatigiinnerat, tamanna 2019-imi Nuuk Nordisk Kulturfestivalimut aallarnisaatinut oqaluttuartaariaatsinillu workshoppertitsinermut atassuserneqassaaq.**< Sineriak tamakkerlugu peqataasussanik aggersaasoqarpoq. Taassuma saniatigut avataaniit peqataatitaqarluni isiginnaartitsinerit perorsaassutigineqarnerat pillugu workshoppertitsinissaq oqaloqatigiissutigaarput.
- *Trails and Tales of Qasigiannuguit. Illoqarfimmi katersugaasivik suleqatigalugu najoqqutassiap Qasigiannuganut siammartinnissaanut piareersarnek. 'Trails and Tales of Sisimiut' pilersinneqarnissaanut Sisimiuni aamma soqutiginnittoqarpoq.*
- **Tikeraartut isiginnaartitsinerat/Suleqatigiinneq – The child of the Seal Woman**, isiginnaagassiaq isiginnaartitsisartoq Kimmernaq Kjeldsen peqatigalugu Tysklandimi pilersinneqarpoq, Kimmernaq isiginnaartitsisarfitsinni tikeraartutut isiginnaartitsissaaq, aaqqissuusseqqinnermullu atatillugu kalaallit arlallit isiginnaartitsisartut peqataatinnissaat periarfissaassaaq – upernaq.
- **Isiginnaagassiaq Arctic Odyssey** Finlandimi (2017-imi saqqummerpoq) isiginnaartitsisartoq Connie Kristoffersen peqatigalugu pilersinneqarpoq, Islandimi Hong Kongimilu tikeraartutut isiginnaartitsinissaanut aggersarneqarsimavoq. Isiginnaagassiaq una Nunatta Isiginnaartitsisarfiata, Finlandip isiginnaartitsisarfiata isiginnaartitsisarfiullu Ruska Ensemblep akornanni suleqatigiissutaavoq. Isiginnaagassiamut pingasunngorlugu avitassatut pilersaarutigineqartumut isiginnaagassianut aappaassaaq, isiginnaagassiat pingajuannut qitittartoq Alexander Montgomery-Andersen Kalaallit Nunaanneersoq peqataassaaq. Isiginnaagassiap nangeqattaartup pingajuanut 2020-mi saqqummertussamut tunngatillugu suleqatigiissinnaanissamut Finlandip isiginnaartitsisarfia, Ruska Ensemble aamma Qiajuk Studios oqaloqatigaavut.
- **Ilitsersuisoq ataqqisaasoq Izumi Ashizawa suleqatigalugu isiginnaagassiap 'The little Goddess'-ip decembarimi piareersarnissaanut tunngatillugu pilersaarut suleqatigiiffiusoq.**

- Nunatta Isiginnaartitsiviata ukiut qulinngortorsiornissaanut 2021-mut piareersaatit. Matumunnga atatillugu eqqumiitsuliornerit assigiinngitsut innuttaasullu suliniutaat eqqarsaatigineqarput.
- Kulturikkut annerusumik avitseqatigiittarnissaq pillugu suleqatigiinneq annertusarniarlugu Iqaluit Nunavimmiittoq oqaloqatigalugu aallartinnikuuarput, kulturikkullu pisuussutivut nammineq pigisavut atorluarnissaannut pikkorinnerulerusulluta. Suleqatigiilluni suliniut tigussaasoq aallartinneqarpoq, isiginnaagassiaatittalu sorliup Iqalunni Alianait Festivalimi 2019-imi takutissallugu tulluarnepaanersoq pillugu allakkamik nassiussisoqarsimavoq.
- Qitilluni isiginnaagassiaq **Mikiseq** nutaanerulersillugu suliaralugu aallartinneqarsimavoq, matumani Canadamiit Alaskamiilluunniit qitittartumik, Australiamiit qitittartumik Kalaallit Nunaanniillu qitittartumik peqataatitsisoqarluni. 2020-mi aaqqissuussap uuma nutaap nunanut tamalaanut nunat inoqqaavinut angallannissaa pilersaarutaavoq. Matumunnga atatillugu 2019-imi nunat inoqqaavi eqqumiitsuliortut akornanni kulturikkut paarlaasseqatigiinnissaat pillugu Australiami YIRROMBOI festivali oqaloqatigivarput.
- Isiginnaagassiaq **Angutivik// Den Grønlandske Mand** 2017-imi saqqummersinneqartoq Danmarkimi piumaneqarpoq taamaattumik Danmarkimut angalasoqarnissaanut 2020-mi aaqqissuusseqqittoqarnissaanut pilersaarusiortoqarpoq. Angalaneq Danmarkimit aningaasalersorneqassaaq.
- Isiginnaartitsissutigisartakkavut aqqutigalugit meeqqat erinarsuutaannik imalinnik cd-mik/nipilersukkanik saqqummersitsinissaq sulissutigaarput, nipilersukkat ilaatigut A-I-U-meersut aamma 'Juulimaaq'. 2020-mi 2021-miluunniit pissaaq, soorluttaa isiginnaartitsisarfiup ukiut qulinngortorsiornieranut atatillugu meeqqanut tusarnaartitsinissaq pilersaarutigipput.

Suleqatigiinnissamut, atuartitsinissamut, isiginnaartitsinissamut suliniutinut ininik atukkiinissamut, isiginnaartitsisunngorniarfimmuut suliniutinut assigiinngitsunut peqataasumut allarpassuarnullu tunngatillugu ataavartumik saaffiginninnernik suliaqarnerit taakkununnga ilaapput.

**Apeqquut 1.A:** Illoqarfiit Nuup avataaniittut isiginnaartitsisartut isiginnaagassiaannik pisisimasut angalanermut aningaasartuutaasa appasinnerpaaffianiinnissaat anguniarlugu Naalakkersuisut qanoq pilersaaruteqarpat? Kommunit – illoqarfiit iluaqutigisinnaasaannik angalanermut tapiissutaasinnaasunik pilersitsissamaarnerpat?

**Akissut:** Naalakkersuisut kommunit illoqarfiillu isiginnaartitsissutinik pisisut ikiornissaannut angalanermut aningaasartuutinut tapiiffigisarnissaannut pilersaaruteqanngillat. Nunatta Isiginnaartitsisarfia 2019-imut Aningaasanut Inatsimmi 9,9 mio. kr.-inik aningaasaliiffigineqarpoq isiginnaartitsisarfiup

sulineranut akiliutigineqartussanik. Tamatuma saniatigut Nunatta Isiginnaartitsisarfia aningaasaateqarfiit allallu aqutugalugit avataaniit aningaasaliisoqarnissaanik qinnuteqarsinnaavoq.

**Apeqqu 1.B: Apeqqu 1.A aappiuppat: Naalackersuisut naatsersuinerat naapertorlugu nunatta karsianut tamanna qanormita naleqassagaluarpa?**

**Akissut:** Apeqqu 1 A-mut akissutigineqartoq innersuussutigineqarpoq.

**Apeqqu 1 C: Siunertaq tamanna anguniarlugu amerlanerusunik nunatta isiginnaartitsisarfianut aningaasaliissuteqartalernissamik Naalackersuisut pilersaaruteqarnerpat?**

**Akissut:** Naalackersuisut Nunatta Isiginnaartitsisarfiata aningaasanik amerlanernik tunineqarnissaanik pilersaaruteqanngillat. Nunatta Isiginnaartitsisarfia 2019-imut Aningaasanut Inatsimmi 9,9 mio. kr.-inik aningaasaliiffineqarpoq, taakkulu siusinnerusukkut 7,4 mio. kr.-inik aningaasaliissutaasunit 2,5 mio. kr.-inik amerlanerullutik. Taamatut qaffaanerup kinguneraa aningaasat 2014-imi aningaasaliissutinik ilanngaasoqarnerani qaffasissut tikipjaarlugu uteqqittoqarmat. Tamatuma saniatigut 2019-imut Aningaasanut Inatsimmi Nunatta Isiginnaartitsisarfianut aningaasanik allanik immikkoortitsisoqarsimangilaq.

Inussiarnersumik inuulluaqqusillunga

  
Ane Lone Bagger